


A BEAB ME A REKUNG



written by Youlsau Ais
illustrated by Macario Demei



A Beab me a Rekung a kmal mle kausechelei. A ta er a klebesei e te milrael el mo omngar. Te omngar e a Rekung a kmal mla mo meched a rengul e songerenger. Ng okerer a sechelil el kmo, "E rrang ke songerenger ng diak?"

"A Beab a dilu el kmo, chochoi e rrang. A kmal songerengerang."

Me a Rekung a dula er ngii el kmo, "Me dengai a idengeled e dora el mo osiik a kall."



Te mocha ngmai a idengeler e merael. Te merael el mei el me er a taoch. Te mocha oiit a idengeler. A Beab a mo mechiuaiu e a Rekung a mo metengel er a daob me ng melim a daob me ng melim a daob e le ng kmal mla mo meched a rengul.

A Beab a milsa mera el klou el redechel a Riamel. Ng dula er a sechelil er a Rekung el kmo, "Rrang me e bo mngasech el nguu se el keled el Riamel."




Ke mla melim me ke mla mo mesisich. A Beab a mocha mengeblad er a sechelil er a Rekung. Ng dula er a sechelil el kmo, "A uchul me a kmu bo mngasech kau el betok a techetechem e ngak a diak."

"E rrang ng bai ungil bong e kebekerurt."

"Ng diak e rrang bai bong."


Kau se le mechib a teluo er a techetechem e ngii a dirk medechel a lmuut el betok.



A Rekung a mocha a ngmasech. Ng milchib a eruo er a techetechel me ng ruebet.

A Beab a liluut el kmu er ngii el kmo, "Kau a uchul ke mo mededechor. Kedi remurt el kmal merengum."

A Rekung a liluut el mo ngmasech.




Ng kmal mle rengul el remurt. Ng dirrek el liluut el ruebet el mecham a eruo er a techetechel e obeu a medal. Ng dikea el sebecchel el omes. Ng dula er a sechelil er a beab el kmo, "Rrang merekong e kuk bong." Ng kmal dikea el sebechek e le ak mla metemall. A Beab a milsa a medal a sechelil el telemall.




Ng dula er ngii el kmo, "Bo mechiuaiu e momes er ngak e bo kngasech." A Beab a kmal mle bekerurt er a lebo lengasech. A sechelil a mlo diak lesang. Ng mo ngmasech me ng dengchokl. A lomes er a sechelil e ng omdidm er ngii e diak lesang.

A Rekung a mocha medengei el kmo a sechelik a kuk mocha mengeblad er ngak.




Ng oleker el oleker er a sechelil. Ngii a okor e diak longerodech e di menga a Riamel. A Rekung a mocha a ulsirs er a uchul a Riamel. Ng dula er a sechelil el kmo, "Rrang ng diak leme chimong me kkelii. Chom chemechemii e mdbar e mtechiur e beskak ak di kolii."

A Beab a kmal tilobed a cheril. Ngiluu a chimong er a redechel a Riamel el mideklui er a daob.




"E kmu er a sechelil el kmo sekid a kelem."

A Rekung a milrael el mo er a tkul a daob. A lomes er a Sekos e ng remurt. Ng melekoi er ngii el kmo, "Sekos mngesukak el nguu se el kelek." A Sekos a dimlak el renges e le ng kmal mle bekerurt. A lomes er a bita er a daob e ng mesa a bilis.




Ng dula el kmo, "Bilis me mngesukak el nguu se el kelek." A Bilis a di ulemes er ngii e okor e merael e diak lolekoi er ngii. Ng kmal meknge a rengul a Rekung me ng longelang.

A Beab a mesa a Uel el merael el mo bedul a Rekung. Ng oldiu e ocherchur. "E rrang lak



A Rekung a dimlak lesa a Uel e ng duum er a bita er ngii. Ng kmal kilbetiekl e lmangel el mo klou.

A Uel a dula er a Rekung el kmo, "Lak mlangel. Aike el rokui el soam a di kbo kruul el meskau." A rekung a mocha a ouchais er a Uel a teletelel a sechelil.




A Uel a dula er a Rekung el kmo, "Bo mngasech er a ulkek a doracl."

A Beab a lomes er a sechelil e ng mocha a ngmasech. Ng oldiu el kmo, "E rrang mchielak." Tiakid a kelem kau me a Uel.

A Rekung a dilu er ngii el kmo, "A kmal merekong el sechelilim."

A Beab a oldiu el oldiu.



A lomes a Rekung e ng mesa a Wolf. Ng kmal
ulcherchur e kmu er a Wolf el kmo, "Mokodir a Beab e
mkelii. Ng kmal kedelebuu me ng ungil kall."

A Beab a kmal mlo medakt. Ng di mlengemochem
e ruebet me a Wolf a kolii.

A Rekung me a Uel a kmal mlo ta a rengrir e
mocha a kausechelei.